

婦人良方卷之十六

臨川

陳自明

編

古吳

薛巳

註

後學

蔣宗澹

宋雲璈

朱明全校

坐月門

妊娠疾病既明須知坐月避忌故以次之

產寶方周頽序第一

頽聞至靈者人最重者命人皆知命之重而不知

養命之方以致年未衰邁疾病攻奪倉卒尋醫多  
致有誤况婦人病惟產難爲急子母命懸片時故  
產二三胎者臟腑未衰血氣未減疾病易治若產  
育過多復自乳子血氣愈傷尤難治若產後血氣  
未復胃氣益傷諸症蜂起此古人所以專著產乳  
方論余故徧採產寶等方兼拾咎氏之遺作爲論  
說粹爲一編刊行于世以救危急云時丁巳歲秋  
八月吉日周頴謹序

將護孕婦論第二

凡妊娠至臨月當安神靜慮時當步履不可多躑  
飽食過飲酒醴雜藥宜先貼產圖依位密鋪床帳  
預請老練穩婆備辦湯藥器物欲產時不可多人  
喧闐惶惶但用老婦二人扶行及凭物站立若見  
漿水腰腹痛甚是胎離其經令產母仰臥令兒轉  
身頭向產門用藥催生坐草若心煩用水調服白  
蜜一匙覺飢吃糜粥少許勿令饑渴恐乏其力不  
可強服催藥早於坐草慎之

愚按前論當慎守之此先哲好生之德防患於

未萌者也仁哉

滑胎例第三

凡妊娠十月空服滑胎湯藥

滑胎枳殼散令胎瘦產易河陽公主每產累日不下南山道人進此方

商州枳殼

麩炒  
二兩

粉草

炒  
一兩

右為末每服二錢空心沸湯調日三服凡孕六七月空服之溫隱居加當歸廣木香各等分

易產兼治諸疾下氣寬膈

枳殼

五兩 麩炒

甘草

一兩 半

香附子

三兩 炒 去毛

右爲末每服二錢用白湯調服

內補丸治妊婦衝任脉虛補血安胎

熟地黃

二兩 用生地酒 拌蒸熟杵膏

當歸

一兩 炒 爲末

右爲末和丸梧子大每服三四十丸温酒或滾

湯下許學士云大率妊娠唯在抑陽助陰然胎

前藥唯惡羣隊陰陽錯雜別生他病唯枳殼散

所以抑陽四物湯所以助陰爾然枳殼散其味

多寒若單服恐致胎寒腹痛更以內補丸佐之

則陽不至強陰不致弱陰陽調和有益胎嗣此  
前人未嘗論及也

易產滑胎車前子爲末或酒或飲服寸匙詩云芣  
苢能令婦人樂有子矣陸機註云治婦人產難  
愚詳孔子序詩云樂然則生易於生育卽此謂  
也

神寢丸

臨月服之神効

蘄州施少卿方  
蘄州徐太丞傳

通明乳香

半兩  
別研

枳殼

一兩  
麩炒

右爲末煉蜜丸梧子大每服三十九空心温酒

下

榆白皮散 治姙娠滑胎易生

榆白皮

甘草

各二兩

葵子

一兩

右為末每服五錢水煎

孕及九月將產猪肚一具煑爛徐徐自食盡易產

保氣散 治寬氣進食瘦胎易產或居處失宜頓

什胎動若胎痛胎漏兼服佛手散

見通用方

香附

四兩

山藥

二兩

砂仁

一兩

木香

四兩

粉草

一兩

益智

紫蘇葉

各半兩

右爲末每服二錢白湯調下

神寢丸 枳殼散見前此三藥入月宜常服

保產無憂散 治姙婦身居安逸口厭甘肥憂樂

不常食物不節致胞胎肥厚根蒂堅牢入月服

之則易生矣

當歸

川芎

白芍藥

枳殼

楚炒

乳香

各三錢

木香

甘草

血餘

卽髮灰以

獾猪心血和

上各一錢半

右爲末每服三錢水煎日二服神効



月空方位例第四

出太平聖惠方  
外臺秘要同

青 三月 青 青 青 在丙壬

二月 胃 育 育 青 在甲庚

逐月安產藏衣忌向方位第五

凡安產藏衣方位並於臥閣內分布太平聖惠方

云凡妊婦初入月便寫產圖一本以朱書某月某

日空貼在某位如正月在丙壬可於壬位安產婦

床帳丙位藏衣之類貼產房北壁若值閏月只看

節氣用之又云每月產圖有雷公招搖運鬼力士


天狗軒轅大時咸池豐隆吳時白虎大夫天候狂  
虎凡此十三神並從月建易其位所謂月空者按  
內經云月廓空無寫王冰注云論月輪中空日也  
卽非十三神之數今太平聖惠方以六陽月在丙  
壬以六陰月在甲庚正如外臺所言正月在丙壬  
至十二月在甲庚之類其理一也但外臺言之詳  
聖惠言之簡今人多從其簡或云凡逐月安產藏  
衣並向月德月空方位所有十三神殺並從節氣  
更換若交次月節便作次月用書產圖者非也假

如正月十四日立春若雉婦十三日乳臥豈可作  
去年十二月用必依月分用之乃是若依節氣使  
換則天德月德所在差矣然月空與任謂之中天  
空類相類議者以爲天空者非十三神之數蓋課  
中有天乙貴人其位無可與對者故此空是謂天  
空值此神百事不空止空安產婦床帳藏衣之類  
耳集聖曆云天德正月在丁二月在坤三月在壬  
四月在辛五月在乾六月在甲七月在癸八月在  
艮九月在丙十月在乙十一月在癸十二月在天

又堪輿曆有遊年白虎殺神在太歲後一辰如太歲卯則白虎在寅餘倣此推之若產及藏衣犯之則子母皆不利

王子亨云難產逆生論稱犯一切神殺固有是理然亦有自然難產兒自逆生者及有產腸俱下者產已則復如故此非疾病所致氣血所主天下之理蓋有不可窮詰者亦宜知之

南



西

東

北

安產藏衣十三神吉凶方位

藏安運雷招軒咸豐天狂天大白

衣產鬼公搖轅池隆狗虎侯夫虎

吉吉力大吳

方方土時時

正月 壬丙艮寅寅卯辰辰午申酉戌

二月 坤<sup>甲寅</sup>乾亥卯子丑未巳酉巳戌亥

三月 丙壬坤申辰酉戌戌午子寅亥子

四月 甲庚巽巳巳午未丑酉亥子丑

五月 丙壬艮寅午卯辰辰申子申丑寅

六月 庚甲乾亥未子丑未酉卯巳寅卯

七月 丙壬坤申申子酉戌戌戌子寅卯辰

八月 庚艮甲巽巳酉午酉戌丑亥卯亥辰巳

九月 丙壬艮寅戌卯辰辰子午申巳午

十月 庚甲乾亥亥子丑未丑卯巳午未

十一月 壬巽丙坤申子酉戌戌寅午寅未申

十二月 庚甲巽巳丑午未丑卯酉亥申酉

推婦人行年法第六

生氣方 產婦宜向之坐臥及產帳向之開門大

吉

反支月 遇此月卽鋪灰上用牛皮或馬驢皮訖

鋪草勿令惡血汚地吉

禍害月 不得於其上產又不得向之二便避之

大吉

絕命方 不得於其上產又不得向之大小便避

之大吉

懸尸日 遇此日產不得攀繩宜懸馬轡攀之大



吉

閉肚方 臨月至滿月並不得向之大小便及棄

不淨之水謹之吉

八疰方 產帳不得向之開門忌之大吉

生反 齋 絕 閉 入 齋 臥 室

氣 支 害 命 尸 肚 疰 母 室 喫

方 月 方 方 日 方 方

十三歲行年在庚申坤

正七 離 巽 辰 戌 日

在正西偏北辛○在正東偏北申○黃色衣西

南首○西南方黃衣師看產

十四歲行年在巳未

二月八日 坤兌 卯酉

在正北偏西壬○在正北偏東癸○赤色衣正

南首○正南方赤衣師看產

十五歲行年在戊午坎

三月九日 乾艮 丑未

在正東偏北甲○在正北偏西壬○黑色衣正

北首○正北方黑衣師看產

十六歲行年在丁巳震

四月十日 艮乾 丑未

在正東偏北甲○在正西偏北辛○青色衣正

東首○正東方青衣師看產

十七歲行年在丙辰

月五十日震艮子午

在正東偏南巳○在正南偏南庚○黃色衣東

北首○東北方黃衣師看產

十八歲行年在乙卯

乾六十二月坎震巳亥

在正南偏東丙○在正南偏西丁○白色衣西

北首○西北方白衣師看產

十九歲行年在甲寅

兌正七月巽離辰戌

在正南偏西丁○在正南偏東丙○白色衣正

西首○正西方白衣師看產

二十歲行年在癸丑巽月二八兌坤卯酉日

在正西偏南庚○在正東偏南乙○青色衣東

南首○東南方黃衣師看產

二十一歲行年在壬子坤月三九離巽寅申日

在正西偏北辛○在正東偏北甲○黃色衣西

南首○西南方黃衣師看產

二十二歲行年在辛亥離月四十坤兌丑未日

在正北偏西壬○在正北偏東癸○赤色衣正

南首。正南方赤衣師看產

二十三歲行年在庚戌坎

五十一月乾艮 子午

在正北偏東癸。在正北偏西壬。黑色衣正

北首。正北方黑衣師看產

二十四歲行年在巳酉震

六十二月艮乾 巳亥

在正東偏北甲。在正西偏北辛。青色衣正

東首。正東方青衣師看產

二十五歲行年在戊申艮

正七月震坎 辰戌

在正東偏南乙。在正西偏南庚。黃色衣東

北首。○ 東北方黃衣師看產

二十六歲行年在丁未乾

二月二十八日

坎震

卯酉

在正南偏東丙。○ 在正南偏西丁。○ 白色衣西

北首。○ 西北方白衣師看產

二十七歲行年在丙午兌

三月二十九日

巽離

寅申

在正南偏西丁。○ 在正南偏東丙。○ 白色衣正

西首。○ 正西方白衣師看產

二十八歲行年在乙巳巽

四月十四日

兌坤

丑未

在正西偏南庚。○ 在正東偏北乙。○ 青色衣東

南首。東南方青衣師看產

二十九歲行年在甲辰坤

五十一月離巽子午

在正西偏北辛。在正東偏南甲。黃色衣西

南首。西南方黃衣師看產

三十歲行年在癸卯離

六十月坤兌巳亥

在正北偏西壬。在正北偏東癸。赤色衣正

南首。正南方赤衣師看產

三十一歲行年在壬寅坎

正七月乾艮辰戌

在正北偏東癸。在正北偏西壬。黑色衣正

北首。正北方黑衣師看產

三十二歲行年在辛丑震

二月八日

艮乾

卯酉

在正東偏北甲。在正西偏北辛。青色衣正

東首。正東方青衣師看產

三十三歲行年在庚子艮

三月九日

震坎

寅申

在正東偏南乙。在正西偏南庚。黃色衣東

北首。東北方黃衣師看產

三十四歲行年在巳亥乾

四月十日

坎震

丑未

在正南偏東丙。在正南偏西丁。白色衣西



北首○西北方白衣師看產

三十五歲行年在戊戌兌五十一吳離子午

在正南偏西丁○在正南偏東丙○白色衣正

西首○正西方白衣師看產

三十六歲行年在丁酉巽六十二兌坤巳亥

在正西偏南庚○在正東偏南乙○青色衣東

南首○東南方青衣師看產

三十七歲行年在丙申坤正七離巽辰戌

在正西偏北辛○在正東偏東甲○黃色衣西

南首○西南方黃衣師看產

三十八歲行年在乙未離二八月坤兌卯酉

在正北偏西壬○在正北偏東癸○赤色衣正

南首○正南方赤衣師看產

三十九歲行年在甲午坎三九月乾艮寅丑

在西北偏東癸○在正北偏西壬○黑色衣正

北首○正北方黑衣師看產

四十歲行年在癸巳震四月艮乾丑未

在正東偏北甲○在正西偏北辛○青色衣正

東首○正東方青衣師看產

四十一歲行年在壬辰艮

五十一月震坎 子午

在正東偏南乙○在正西偏南庚○黃色衣東

北首○東北方黃衣師看產

四十二歲行年在辛卯乾

六十二月坎震 巳亥

在正南偏東丙○在正南偏西丁○白色衣西

北首○西北方白衣師看產

四十三歲行年在庚寅兌

正七月巽離 辰戌

在正南偏西丁○在正南偏東丙○白色衣正

西首○正西方白衣師看產

四十四歲行年在巳丑巽二八月兌坤卯酉

在正西偏南庚○在正東偏南乙○青色衣東

南首○東南方青衣師看產

四十五歲行年在戌子坤三九月離巽寅申

在正西偏北辛○在正東偏北甲○黃色衣西

南首○西南方黃衣師看產

四十六歲行年在丁亥離四十月坤兌丑未

在正北偏西壬○在正北偏東癸○赤色衣正

南首。正南方赤衣師看產

四十七歲行年在丙戌坎

五十一月乾艮 子午

在正北偏東癸。在正北偏西壬。黑色衣正

北首。正北方黑衣師看產

四十八歲行年在乙酉震

六十二月艮乾 巳亥

在正東偏北甲。在正西偏北辛。青色衣正

東首。正東方青衣師看產

四十九歲行年在甲申艮

正七月震坎 辰戌

在正東偏南乙。在正西偏南庚。黃色衣東

如八... 十五  
法  
北首。東北方黃衣師看產。坐產時更用後

體玄子借地法第七

東借十步

西借十步

南借十步

北借十步

上借十步

下借十步

壁方之中四十餘步安產借地或有穢污或有東  
海神王或有西海神王或有南海神王或有北海  
神王或有日遊將軍白虎大夫遠去十丈軒轅招  
搖舉高十丈天符地軸入地十丈令地空閑產婦

某氏安居無所妨碍無所畏忌諸神擁護百邪遠

去急急如律令勅

前項借地法於入月一日朱書一本貼產婦房內牆壁上更不

須避忌神殺也

禁草法第八 鋪草及氈褥訖即呪曰

鐵鐵湯湯非公所當是王一言得之銅一言得之

鐵母子相生俱篋鐵急急如律令

禁水法第九 欲產時貯水呪曰

南無三寶水

水在井中為井水 水在河中為河水

水在器中爲淨水 水在法中爲真水

自知非真莫當真水

以淨持濁 以正治邪 日遊月殺 五士將軍

青龍白虎 朱雀玄武 招搖天狗 軒轅女妓

天吞地吞 懸尸閉肚 六甲禁諱 十二神王

土符伏神 各安所在 不得動靜 不得忌干

若有動靜 若有忌干 施以神呪 當攝汝形

阿佉尼阿毗羅莫多梨娑地梨娑訶

入月預備藥物第十



愚按前所預備內佛手保氣枳殼榆皮黑神大  
聖薑石七散神寢保生理中三九催生黑虎二  
丹及催生神符又葵子生地黃羗活竹茹烏梅  
雌雄石燕甘草海馬銜鉄大棗陳皮薑錢黑豆  
白蜜無灰酒童子小便酸醋白米湯瓶鍋銚斷  
臍線剪之類可謂周恤之至矣內花薑石散爲  
血入胞衣脹大不能下或惡露上攻不能甦醒  
佛手散治血虛之危症加味芎歸湯治交骨不  
開草麻子治胎衣不能上下失笑散治惡露腹


痛不省人事蜡油調滑石塗入產門爲滑胎之  
藥清菟散治血暈等症平胃散朴硝木銀爲腐  
化死胎之劑八珍湯補血氣虛損已上諸方皆  
爲緊要之藥必不可缺其斷臍帶先用線近臍  
扎緊帛裹咬臍如天氣風寒或難產母子勞傷  
元氣者先扎臍帶以油紙撚燒斷此又爲迴生  
起死之要法也故治者當審其宜不可槩信而  
用之

催生靈符第十一

靈符宜以水飛硃砂書之貼於房內北壁上至坐  
 蓐之時將符以針劄就盞內化之溫水調服

治產難橫生逆產胞衣不下靈符見後  
出聖  
 惠方

局方  
 同





不安穩朱  
 書貼產婦  
 處北壁上

覺不安穩  
 書貼枕上

橫生朱砂  
 書此符以  
 順水吞下

此云 𠄎 𠄎 𠄎 𠄎

此四符入月二  
日墨書鞋底上  
密安產婦蓆蓐  
下勿令人知

𠄎 𠄎 𠄎 𠄎

此三符遇產難  
以墨書吞之

𠄎 𠄎 𠄎 𠄎

此四符遇胞衣  
不出以朱砂書  
吞下

謹按前所著方論圖向符訣一帙自夫人泛視之  
以爲迂遠然艱於得子者恒相質問則惟此書爲  
要屢試有明驗也余每觀其護孕之方極爲曲當  
易產之藥悉有根據至於圖向之趨避吉凶所關  
符訣之玄微神妙顯用其誠有得於諸先哲者乎  
不然王太僕諸公深於奧理者也豈謬論耶則是  
書也誠妊娠良方家戶之所當珍藏考究者使舍  
此而施治於妊婦鮮不有誤矣觀者勿以爲迂遠  
云

予而適欲效飛龍雖不自貶矣雖昔所以為我輩  
 書也滿世幾真衣袋以之而當狂瀲者實昔與合  
 不然王太對精公新外與駐音也豈精簡限且  
 翁精之支幾唯收騰用其焉自野來高水昔昔平  
 畏室之藥悉百財親守氣圖向之豈遊古凶河關  
 更其焉百財歸也余哀憐其幾罕之式跡為曲當  
 以為心數然幾外野子首回時實問限針並善為  
 龜安前視音也備圖向符精一神自夫人受極之

婦人良方卷之十七

臨川 陳自明 編

古吳 薛 巳 註

後學 蔣宗澹

朱雲漱

朱 明全校

產難門

坐月既明須知  
產難故以次之

產難論第一

婦人以血為主惟氣順則血和胎安則產順今富

貴之家過於安逸以致氣滯而胎不轉動或爲交  
合使精血聚於胞中皆致產難若腹或痛或止名  
曰弄胎穩婆不悟入手試水致胞破漿乾兒難轉  
身亦難生矣凡產直候痛極兒逼產門方可坐草  
時當盛暑倘或血運血溢當飲清水解之冬末春  
初產室用火和煖下部衣服尤當溫厚方免胎寒  
血結若臨月洗頭濯足亦致產難

愚按丹溪先生曰余族妹苦於產難遇胎則驅  
之予甚憫焉蓋其形肥而勤女工形肥則氣虛



久坐則氣不運而兒在胞胎因亦不能自運耳  
當補其母之氣則兒健易產故後有孕至五六  
月遂以紫蘇飲加補氣藥與之數十貼而產甚  
快大要在隨母之稟性若胎胞破早血水先乾  
或難產勞傷氣血者煎八珍湯或十全大補湯  
加益母草不時與服以協濟之或以黃芪數觔  
芎歸四五觔許大釜水煎藥氣氤氳滿室使產  
婦口鼻俱受其氣臍帶以油紙撚燒斷補接其  
陽氣穩婆須擇老練者當先施惠預說與知倘

有生息不順只說是未產或是雙胎只說胎衣未下恐驚則氣散愈難生息

附治驗方藥

荆婦孟冬分娩艱難傷勞元氣產子已死用油紙撚燒斷臍帶藉其氣以煖之俄頃忽作聲此兒後無傷食作瀉之症可見前法之功不誣世用刀器斷臍帶予母致危者竟不知其由矣且穩婆又喜平日常施小惠得其用心兼以安慰母懷故無虞耳一穩婆云我止有一女正分娩

時適當巡街侍御行牌取我視其室分娩女用  
驚赫未產而死後見侍御更以威顏分付迨視  
產母胎雖順而頭偏在一邊以致難產因畏其  
威不敢施手由是其母子俱不能救

紫蘇飲

方見十二卷第八論

十全大補湯

八珍湯

二方見二十四卷第四論

楊子建十產論第二

凡生產先知此十証庶免子母之命折於無辜也

世之收生者少有精良妙手多致傾命予因傷痛  
而備言之

一曰正產

正產者言懷胎十月陰陽氣足忽然作陣疼痛胎  
至谷道漿破血下兒卽正產

二曰傷產

傷產者言懷胎未足月有所傷動以致忽然臍腹  
疼痛或服催藥過早或產母努力太早逼兒錯路  
不能正生凡分娩須待兒身轉順頭對產門努力

一 送兒卽正生

三日催生

催生者言欲產時兒頭至產門方服藥催之或經  
日久產母困倦難生宜服藥以助其血氣令兒速  
生

四日凍產

凍產者言天氣寒冷產母血氣遲滯兒不能速生  
故衣裳宜厚產室宜煖背心亦宜溫和庶兒易生

五日熱產

熱產者言盛暑之月產婦當溫涼得宜熱甚產母則頭疼面赤昏暈若產室人衆熱氣蒸逼亦致前患名曰血暈若夏月風涼陰雨亦當謹避

### 六曰橫產

橫產者言兒方轉身產母用力逼之故也凡產母當令安然仰臥穩婆先推兒身順直頭對產門以中指探其肩不令臍帶羈扳方用藥催之繼以產母努力兒卽生

### 七曰倒產

倒產者言兒未能轉身產母努力故也當令產母  
仰臥穩婆推入候兒自順若良久不生令穩婆手  
入產戶一邊撥兒轉順近產門却服催藥并努力  
卽下

八曰偏產

偏產者言兒回身未順生路產母努力逼兒頭偏  
一邊產雖露頂非也乃額角耳當令產母仰臥穩  
婆輕手正其頭向產門却令產母努力子卽下若  
兒頂後骨偏拄穀道露額令穩婆以綿衣炙煖裹

手於穀道外傍輕手推正令產母努力兒卽生

九日礙產

礙產者言兒身已順門路已正兒頭已露因兒轉身臍帶絆其肩以致不能生令產母仰卧穩婆輕推兒向上以中指按兒肩脫臍帶仍令兒身正順產母努力兒卽生

十日坐產

坐產者言兒之欲生當從高處牢繫手巾一條令產母以手攀之輕輕屈坐令兒生下不可坐祇兒



生路

十一日盤腸產

趙都運恭人每臨產則子腸先出然後產子其腸不收名曰盤腸穩婆以醋水各半盞默然喫產婦面背才收不可不知

愚按前症古方以葶麻子仁四十九粒研塗產母頭頂腸收上急洗去其腸若乾以磨刀水少許溫潤之再用磁石煎湯服之卽收上磁石須陰陽家用有驗者若以水喫母面背恐驚則氣

散

治盤腸產以半夏爲末搐鼻中腸自上

又方大紙燃以麻油潤燈吹滅以烟薰產婦鼻中

腸卽上

又方腸出盛以潔淨漆器濃煎黃芪湯浸之腸卽

上

催生方論第三

五行論命以年月日時支干五行相生相值以推其貴賤其間最切要者時也得其時則終身富貴

失其時則一世貧賤然則命稟於有生之初豈可  
催乎世之催生之說蓋為產難而設也今開歷驗  
數方于後

催生柞木飲子 治產難或胎爛腹中腹悶其効

如神

生柞木

一尺

甘草

大者五寸  
到五段

右用水三鍾紙封罐口煎一鍾半候胎順產門  
徐徐溫服即時分娩更無諸苦切不可早於坐  
草及穩婆下手催逼

催生如神散 治逆產橫生其功甚大

百草霜

白芷

不見火各為末等分

右每服三錢至胎順產門以童便米醋和如膏  
加沸湯調下或童便酒煎進二服然血得黑則  
止此藥大能固血又免血乾甚妙

如聖散用黃蜀葵花焙為末熱湯調下一二錢若漏  
血胎胞乾澁難產併進三服即產如無花用葵  
子末半合調溫酒服尤妙若打撲胎死紅花酒

調下

順生丹 治症同上

鬼腦髓

去皮膜 研如膏

明乳香

一兩 細研

母丁香

末二兩

射香

一錢 研細

右以鬼腦髓丸鷄頭大陰乾每服一丸溫水下

男左女右手握出

鬼腦臘月者尤佳

又方通明乳香一塊如皂子大為末腰痛時用冷

水醋少許調服扶立令兩手拿石燕二箇念醫

靈藥聖三遍行數步坐草便生更無痛楚神効

愚按前法觀之似迂其用者云甚驗

治產不順

蛇蛻 一條 全者

蠶蛻紙 一張無 則一方

右入新瓦瓶內鹽泥固濟存性為末煎榆白皮

湯下一錢三服覺痛便生

又方用伏龍肝研末每服一錢酒調下兒頭戴土

而下

又方吞槐子十四粒即下

又方當歸為末酒調一錢服良久再服

一方用魚膠一尺許新瓦上煨灰陳醋調服立下

又方大朱砂於端午日晒起以百日爲度研爲細末用躑月兔腦髓丸綠豆大欲產時粥飲下一丸良久便生其藥男左女右手中握出晒硃砂不得着雨

又方躑月兔頭煨爲末葱白煎湯調一二錢立生或躑月兔血紙袋盛掛當風處陰乾爲末煎乳香湯調下二錢或兔皮和毛燒爲末酒調服一二錢卽產如胎衣未下再服

神妙乳砂丹用明乳香爲末以猪心血丸桐子大

硃砂爲衣陰乾每服二丸嚼碎冷酒下良久未  
生再服○難產以蓮葉蒂七箇水煎化服二丸  
良久未生再服○胞漿先乾胎不得下急服大  
料四物湯滋其血氣并濃煎葱湯薰洗產戶更  
用油燭塗產戶內却服前藥○胎死不出用朴  
硝五錢滾湯調下或平胃散一服胞衣未下酒  
水服一丸○橫逆不順先用如神散

方見產門前

不開用加味芎歸湯仍服二丸須月初上辰日

修合鹽塗兒足底急搔摩之卽產



應急方

好墨新汲水濃磨服之墨水裹兒出

又方清油同蜜等分入滾湯少許調服或油煎  
一盞服之或路傍破草鞋一隻取鼻絡小繩燒  
灰酒調服

交骨不開產門不閉方論第四

新附

竊謂交骨不開產門不閉皆由元氣素弱胎前失  
於調攝以致血氣不能運達而然也交骨不開陰  
氣虛也用加味芎歸湯補中益氣湯產門不閉氣  
血虛也用十全大補湯

附治驗

地官李孟卿娶三十五歲女爲繼室妊娠慮其難產索加味芎歸湯四劑備用果產門不開止服一劑頓然分娩

上舍懷德之室產門不開兩日未生服前藥一劑卽時而產懷德傳服此方用者無有不驗

一婦人分娩最易至四十妊娠下血甚多產門不開與前湯一劑又以無憂散勸許煎熟時時飲之以助其血而產

一產婦陰門不閉發熱惡寒用十全大補加五味子數劑而寒熱退又用補中益氣加五味子數劑而陰戶歛若初產腫脹或焮痛而不閉者用加味道遙散若腫既消而不閉者用補中益氣湯切忌寒涼之劑

一婦人脾胃素弱兼有肝火產後陰門腫痛寒熱作渴嘔吐不食敷大黃等藥服驅利之劑腫及於臀虛症蜂起此真氣虛也先用六君子以固脾胃乃以補中益氣湯升舉而消

一產婦失治腫潰不已形體消瘦飲食少思朝  
寒暮熱自汗盜汗半年矣余用補中益氣加茯  
苓半夏以健脾胃膿水漸少飲食漸進用歸脾  
湯以解脾鬱共五十餘劑元氣復而瘡亦愈矣  
一產婦陰門不閉小便淋瀝腹內一物攻動脇  
下或脹或痛用加味道遙散加車前子而愈  
一婦人子宮腫大二日方入損落一片殊類猪  
肝面黃體倦飲食無味內熱晡熱自汗盜汗用  
十全大補湯二十餘劑諸症悉愈仍復生育

加味芎歸湯 治交骨不開不能生產

川芎

當歸

各一兩

自死龜板

一箇酥炙

婦人頭髮

一握燒存性

右為散每服五錢水煎服約人行五里即生如

胎死亦下灼過龜板亦可

十全大補湯

方見二十四卷第四論

補中益氣湯

方見二十四卷第六論

郭稽中產難方論第五

論曰產難者因兒轉身將兒枕血塊破碎與胞中

敗血壅滯兒身不能便利是以難產急服勝金散  
消散其血使兒自易生陳無擇云多因兒未轉順  
坐草太早或努力太過以致胞衣破而血水乾產  
路澁而兒難下宜先服催生如神散以固其血設  
或逆生橫產當用前法針刺之

### 勝金散

麝香 未一錢

豆豉 一兩

右每服一錢用秤錘燒赤淬酒下催生如神散

亦可用

產難子死腹中方論第六

產難子死腹中多因驚動太早或觸犯禁忌其血  
先下胎乾涸而然也須驗產母舌若青黑其胎死  
矣當下之故產室坐臥須順四時方向并遵五行  
避忌則吉

附治驗

一穩婆之女勤苦負重妊娠腹中陰冷重墜口  
中甚穢余意其胎已死令視其舌青黑與朴硝  
半兩許服之化下穢水而安

一婦人胎死服朴硝下穢水肢體倦怠氣息奄奄用四君子爲主佐以四物薑桂調補而愈

一方水銀半兩桂末一錢作一服溫酒調下粥飲亦可

又方以利斧煨赤置酒中待溫飲之其子便下

又方以錫粉水銀各一錢棗肉丸大豆許水吞下立出

又方朴硝三錢溫童便調下猫犬牛畜用之皆驗  
又方平胃散五錢酒水各一盞煎至一盞投朴硝



五錢再煎三五沸溫服其胎卽化水而出寶慶  
方云凡欲斷臍帶先以繫物墜下後可斷之否  
則胞衣上卽冲心而死

附方

四君子湯

四物湯 二方見二十四卷第六論

產難生死訣第七

欲產之婦脉離經

難經云一呼三至曰離經此是陽加於陰一倍

也一呼一至亦曰離經此是陰加於陽四倍也  
註云經者常也胃脉離常絡之處周卽言之一  
呼脉再至一吸脉再至曰脾和之脉故一呼脉  
行三寸一吸脉行三寸呼吸定息脉行六寸一  
日一夜一萬三千五百息脉行八百一十丈乃  
于一周復從始之經再行今一呼脉三至一吸  
脉三至呼吸定息脉行九寸一日一夜脉行通  
計一千二百一十五丈過於平脉之數不在所  
起之經再起故曰離經若一呼一至脉行寸半

一吸一至脉行寸半呼吸定息脉行三寸一日  
一夜通計脉行得四百单五丈乃謂一周是不  
及平脉之數周而復始亦不在所起之經再起  
亦曰離經也

沉細而滑也同名

臨產之婦脉見沉細而滑者乃腎藏本脉之形  
然腎繫胞胎見此脉者亦與離經之脉同名也  
夜半覺痛應分誕來日日午定知生

若妊婦夜半時覺腹痛定知來日午時當分娩

也聖惠方云夜半子時覺腹痛來日午時必定  
生產謂子午相半正半日觀數也

身重體熱寒又頻舌下之脉黑復青反舌上冷子  
常死腹中須遣子歸冥

凡妊婦身有沉重者胃氣絕也又體熱寒臑頭  
併者王氣衰陰氣盛也若舌捲下脉青黑色也  
及舌反捲上冰冷不溫者子母俱死之候

面赤舌青細尋看母活子死定應難

凡妊婦面色赤是榮氣流通母活之候舌上青

色是姪脉絡絕胎死之候

唇口俱青沫又出子母俱死總高判

若姪婦唇口俱青色者榮衛氣絕也又口中吐  
出痰沫者是脾胃之氣俱絕此是子母俱死之  
候也

面青舌青沫出頻母死子活是知真不信若能看  
應驗尋之賢哲不虛陳

凡姪婦面與舌皆青色又吐痰沫者是產婦榮  
衛俱絕胎氣衝上之候此是子活母死之候產

下子母必死也此古賢哲應驗之文不虛妄陳其說也

新產之脉緩滑吉實大弦急死來伎

凡婦人新產之後其脉來緩滑者爲氣血通利調和是生活安吉之兆也若見牢大弦急之脉則凶必死之脉也

若得沉重小者吉忽若堅牢命不停

若產婦診得沉重微小者此是形虛相應故云吉兆之脉忽然診得堅硬牢實之脉是脉盛形

衰相反性命不可停留必死也

寸口澁疾不調死

若產後寸口脉澁疾大小不調勻者此是血氣衰絕之脉故云死也

沉細附骨不絕生

若重手按之乃得其脉沉細附着於骨不斷絕有力者此生活之兆也

審看此候分明記長須念此向心經

凡爲醫者宜詳審脉証分明記於心膺也

愚按前論與脉訣刊誤所云不同觀者審之

入骨其利於開有是脉念其所以

諸代者此主脈文非也

言十對之於其相其脉博者氣逆不調

五脈也

刻下以視其理亦若此其脈血

有口氣者不脈

其脈大者命不所醫皆從張也



婦人良方卷之十八

臨川陳自明編

古吳薛已註

後學蔣宗澹

宋雲璈

朱明全校

產後門

產難既明須知產後疾病故以次之

產後將護法第一

婦人產畢飲熱童便一盞閉目少坐上床倚故立

膝仰卧不時喚醒及以醋塗鼻或用醋炭及燒漆  
器更以手從心擗至臍下使惡露不滯如此三日  
以防血暈血逆酒雖行血亦不可多恐引血入四  
肢且能昏暈宜頻食白粥少許一月之後宜食羊  
肉猪蹄少許仍慎言語七情寒暑梳頭洗足以百  
日爲度若氣血素弱者不計日月否則患手足腰  
腿痠痛等症名曰蓐勞最難治療初產時不可問  
是男女恐因言語而泄氣或以愛憎而動氣皆能  
致病不可獨宿恐致虛驚不可刮舌恐傷心氣不

可刷齒恐致血逆須血氣平復方可治事犯時微  
若秋毫成病重如山嶽可不戒哉

產後調理法第二

產後將息如法臟腑調和庶無諸疾苦須先服黑  
神散四物湯四順理中丸七寶散若壯熱頭痛此  
乳脉將行用玉露散頭目不清是血暈用清魂散  
粥食不美是胃氣虛用四順理中丸

愚按丹溪先生云肉汁發陰經之火易成內傷  
之病當歸丸當歸建中湯四順理中丸雖滋補

婦人良方  
二  
悉犯桂附乾姜僭熱之劑臟腑無寒何處消受  
若夫兒之初產母腹頓寬便啖鷄子火塩不思  
鷄子難化火塩發熱展轉爲病醫者不識妄指  
他病率爾用藥寧不誤人予每見產婦之無病  
者皆不用黑神散與鷄子火塩諸般肉食每白  
粥調理間以此小石首魚乾淡食之至半月以  
後少食雖鷄子亦豁開煑之方能養胃却痰彼  
富貴之家嬌姿之婦率有白帶頭風氣痛膈滿  
痰逆口乾經事不調髮脫體熱皆因失於調理

所致也

產後通用方第三

愚按前方卽產後諸症各門自有方論主治故  
不再錄

胞衣不出論第四

郭稽中曰胎衣不下者因氣力疲憊不能努出或  
血入衣中脹大而不能下以致心胸脹痛喘急速  
服奪命丹血散脹消其衣自下牛膝散亦效

愚按前症若出而氣虛不能入用補中益氣湯

或草麻子仁一兩研塗母頭頂心卽上若胎衣  
不下用草麻子仁塗右腳心胎衣下急洗之緩  
則胎衣仍入益母丸亦効若胎衣未下若欲斷  
臍帶須先以少物繫墜然後斷之

附治驗

一婦人胞衣不出胸腹脹痛手不敢近用滾酒  
下失笑散一劑惡露胎衣並下

一產婦胎衣不出腹作痛手按痛稍緩此氣虛  
而不能送出也用無憂散而下前症常詢諸穩

婆云宜服益母草丸或就以產婦頭髮入口作  
嘔胎衣自出其胎衣不出者必死授與前法効  
奪命丹

附子半兩 牡丹皮一兩 大黃末一兩 乾漆一錢炒  
炮

右爲末醋煎大黃成膏丸桐子大溫酒吞五七  
丸

花蕊石散 治產後敗血不盡血迷血暈腹中胎  
衣不下至死心頭煖者急用一服化水卽出其  
効如神

花蕊石一觔 上色硫黃四兩

右和勻先用紙泥封固瓦罐一箇入二藥仍封

固陰乾如急用以焙籠內炙乾用炭煨赤去火

次日取出細研每服一錢童便熱酒下

牛膝散 治胎衣不出腹中脹急服此藥腐化而

下緩則不救

牛膝

川芎

朴硝

蒲黃

各三兩

當歸

一兩五錢

桂心

五錢

右每服五錢姜三片生地黃一錢水煎



附方

補中益氣湯 方見二十四卷第六論

失笑散 方見十六卷第五論

無憂散 方見十六卷第三論

益母草丸 方見十三卷第九論

又方用竈下土三四錢好醋調和納臍中續煎生

甘草湯半盞或以醋湯飲之即出

又方用葶麻子仁研爛塗足心下即洗去

又方用紅花一兩酒煮濃汁服

又方用鹿角鎊三錢爲末煮葱白湯調服

又方取產母鞋底炙熱熨小腹上下二七次

又方用浸苧水濃煮溫飲二碗立下

又方用皂角棘燒爲末每服一錢溫酒調

### 產後血暈方論第五

產後血暈乃血入肝經甚至眼花昏悶用黑神散  
主之下血過多用清魂散補之或以醋湯細飲或  
預燒秤錘以醋沃之或醃醋塗口鼻或燒漆器薰  
之使產母鼻吸其氣庶無此患

愚按前症若惡露上行用失笑散血下過多芍  
歸湯若過勞所傷補中益氣湯氣血虛極用清  
魂散大凡產後口眼喎斜等症當大補氣血為  
主而兼以治痰若脾胃虛弱用六君子湯苟於  
七月之前服安胎飲至八九月間加大腹皮黃  
楊頭元氣虛弱人珍湯臨產用無憂散則無前  
患

附治驗

一婦八月胎下墜或動面黃體倦飲食少思此

脾氣虛弱用補中益氣湯倍白朮加蘇梗三十  
餘劑而安產後眩暈胸滿咳嗽用四物加茯苓  
半夏桔梗而愈

一妊婦因產飲酒惡露甚多患血暈口出酒氣  
此血得酒熱而妄行虛而作暈也以佛手散加  
煨甘葛二錢一劑而痊酒性慄悍入月及產後  
不宜飲恐致前症產室人衆氣熱喧攘亦致此  
症

奪命丹

治血暈腹痛沒藥血竭末等分每服二

錢執童便熱酒下

牡丹皮散 治產後惡露悶絕

牡丹皮 芒硝

大黃 蒸各一兩 冬瓜仁 三七粒 去皮尖

右每五錢水煎服

清魂散 治產後氣血暴損虛火妄動血隨火上

以致心神昏亂口噤眼花甚至悶絕而甦

澤蘭葉

人參 各一錢

荆芥 三錢 川芎 一錢

右各另為末和勻每服一二錢熱湯和酒調灌

之

當歸芍藥湯

方見十二卷第十二論

一方五靈脂末半生半炒每服二錢溫酒灌入喉  
卽愈

一方荆芥爲末童便調

一方神麩末每服二錢熱水調

一方菲菜切入瓶內注熱醋以瓶口對鼻氣入卽  
醒

一方用紅花末五錢酒調服

一方半夏爲末丸豆大入鼻中卽省亦療五絕

一方赤小豆爲末東流水和服錢許不瘥再服

佛手散

治產後去血眩暈欲絕

方見十二卷第七論

又方松煙墨二錢燒赤甯滅爲末温酒調半七京墨亦可或燒漆器取煙薰之

附方

失笑散

方見二十卷第五論

補中益氣湯

六君子湯

四物湯

三方見二十四卷第六論

安胎飲

方見十二卷第二論

無憂散

方見十六卷第二論

產後顛狂方論第六

產後顛狂乃敗血上衝用大聖澤蘭散加砂仁末  
三分煎酸棗仁湯調下或硃砂二錢研細以乳汁  
調和入紫項活地龍一條滾二三沸去之入酒再  
用重湯煮溫分三服

愚按前症乃血虛神不守舍非補養元氣不可

仍參後各門互用



附治驗

一產婦患前症或用大澤蘭湯而愈後又怔忡  
妄言其痰甚多用茯苓散補其心虛頓愈又用  
八珍散加遠志茯神養其氣血而瘥

一產婦亦患此用化痰安神等藥病益甚神思  
消燦余以爲心脾血氣不足用大劑參朮芎歸  
茯神酸棗仁四觔餘而安乃以歸脾湯五十餘  
劑而愈

附方

隱居澤蘭湯 方見二十卷第六論

茯苓散 方見十九卷第三論

八珍湯

歸脾湯 二方見二十四卷第四論

產後狂言譫語方論第七

產後狂言譫語乃心血虛也用硃砂末酒調下龍  
虎丹參丸琥珀地黃丸亦可如驚悸歌哭顛狂等  
症當參十九等卷治之

愚按前症當固胃氣爲主而佐以見症之藥爲

善若一於攻痰則誤矣

附治驗

一產婦形體甚倦特發譫語用栝子仁散稍愈  
又用加味歸脾湯而愈又因怒仍狂言脇痛小  
便下血用加味道遙散以清肝火養肝血頓瘥  
又佐以加味歸脾湯而安

治敗血上衝發熱狂走脉虛大者

乾荷葉

生地黃

牡丹皮

等分

右濃煎湯調生蒲黃二錢服之卽止

妙香散 治產後語言錯亂用生地當歸煎湯調

服立効

方見六卷第八論

附方

小柴胡湯

方見二十四卷第二論

栝子仁散

方見十九卷首論

加味歸脾湯

方見二十四卷第四論

產後不語方論第八

產後不語因心氣虛而不能通於舌則舌強不能  
言語者宜服七珍散餘當推其所因而治之可也

愚按經云大腸之脉散舌下又云脾之脉是動  
則病舌本強不能言又云腎之別脉上入于心  
繫舌本虛則不能言竊謂前症若心腎氣虛用  
七珍散腎虛風熱地黃飲大腸風熱加味逍遙  
散加防風白芷脾經風熱秦艽升麻湯肝經風  
熱柴胡清肝散加防風白芷脾氣鬱結加味歸  
脾湯加升麻肝木太過小柴胡加釣藤釣脾受  
土侮六君加升麻白芷釣藤鈎肝脾血虛用佛  
手散脾氣虛用四君子氣血俱虛八珍湯如不

應用獨參湯更不應急加附子補其氣而生其血若竟用血藥則誤矣

附治驗

一產婦不語用七珍散而愈後復不語內熱晡熱肢體倦怠飲食不進用加味歸脾湯爲主佐以七珍散而愈後因怒不語口禁腰背反張手足發搐或小便見血面色或青或黃或時兼赤余曰面青肝之本色也黃者脾氣虛也赤者心血虛也用八珍湯加釣藤鈎朮遠志漸愈又

用加味歸脾湯而痊

七珍散

人參

石菖蒲

生地黃

川芎

各一兩

細辛

一錢

防風

辰砂

別研各半兩

右為末每服一錢薄荷湯調

胡氏孤鳳散

治產後閉目不語用生白礬末每

服一錢熱水調下

治產後不語

人參

石蓮肉

不去心

石菖蒲

等分

右每服五錢水煎

附方

地黃飲 方見三卷第四論

加味逍遙散

加味歸脾湯

八珍湯 三方見二十四卷第四論

秦艽升麻湯 方見三卷第一論

清肝散 方見二十四卷第三論

小柴胡湯 方見二十四卷第二論



六君子湯

四君子湯

二方見二十四卷第六論

佛手散

方見十二卷第七論

獨參湯

方見三卷第十三論

婦人良方卷之十八終

婦人良方卷之十八

三

古今良方

大人

凡人三歲後至十二歲

凡人十二歲後至十八歲

凡人十八歲後至二十四歲

凡人二十四歲後

婦人良方卷之十九

臨川陳白明 編

古吳薛 巳 註

後學蔣宗澹

宋雲璈

朱 明全校

產後乍見鬼神方論第一

產後如見鬼神或言語譫妄皆由血氣虧損陰虛發熱或瘀血停滯以致心神煩躁而然也宜以調

經散治之

愚按前症若敗血停滯用調經散若血虛發熱  
用八珍加炮薑若心血虛損用栝子仁散大抵  
此証皆心脾血少所致但調補胃氣則痰清而  
神自安矣若果係鬼祟所附卽灸鬼哭穴可愈  
其或不起者多因豁痰降火攻伐之過也

仍參  
第三

卷產後讒語乍  
見鬼神方論

附治驗

一產婦患前症或用調經散愈而復作仍服前

散益甚痰涎上湧朝寒暮熱余朝用八珍散夕  
用加味歸脾湯各五十餘劑而愈

### 調經散

治血虛經閉心神煩躁渾身疼痛或特

見怪

沒藥

琥珀

並細研

桂心

各一錢

芍藥

炒

當歸

各一分

細辛

五分

麝香

少許

右為末每服五分薑汁溫酒各少許調服下即

愈

### 柏子仁散

治產後元氣虛弱瘀血停滯狂言亂

語

栝子仁

遠志

人參

桑寄生

防風

琥珀

另研

當歸

炒

生地黃

焙

甘草

炒等分

右用白羊心一箇水三盞煮清汁七分入藥五

錢煎服

附方

八珍湯

加味歸脾湯

二方見二十四卷第四論

鬼哭穴 方見六卷第八論

產後心神驚悸方論第二

產後心神驚悸恐懼或目睛不轉口不能言乃心氣虛而六淫內侵診其脉動而弱者驚悸也動則爲驚弱則爲悸矣

愚按人之所主者心心之所主者血心血一虛神氣不守此驚悸所由作也當補血氣爲主 仍

參三卷第十論

附治驗

一產婦患前症二度服琥珀地黃丸局方妙香散隨効再患服之其症益甚而脉浮大按之如無發熱惡寒此血氣俱虛余用十全大補加味歸脾二湯各百餘劑而愈後遇驚恐勞怒復作仍服前藥而安

琥珀地黃丸 治產後惡露未盡胸腹作痛或小便不利

琥珀

另研

延胡索

糯米同炒赤去米

當歸

各一兩

蒲黃

四兩炒香

生地黃

研取汁留滓

生薑

各二斤研取汁



留滓生姜汁用銀石器內炒地黃  
滓以地黃汁炒生姜滓各乾為末

右為末煉蜜丸如彈子大每服一九當歸煎湯

化下

治血虛驚悸少寐及產後敗血停留少腹作痛等

症

辰砂

另研

琥珀

沒藥

並研細

當歸

為末等分

右為末每服二錢空心日午臨卧用白湯調下

產後驚悸亂語精神不定用好硃砂為細末酒調

服錢許

附方

局方妙香散

方見三卷第十三論

茯苓補心湯

方見三卷第十論

十全大補湯

加味歸脾湯

二方見二十四卷第四論

產後中風心驚方論第三

產後眼張口噤肢體強直腰背反偃言語錯亂如  
癇者此氣虛風邪所傷而成瘕也

愚按仲景先生云有汗爲柔瘕用桂枝湯無汗

爲剛瘕用麻黃湯然產後得此血氣俱虛之敗  
症也不可與傷寒例看丹溪先生云產後當大  
補氣血爲主可用十全大補湯以補元氣如不  
應急加附子更不應是藥力弗逮也仍用參附  
湯多服余常治大虛之症參芪數觔附子數枚  
方應

附治驗

一產婦患此不省人事言語妄甚惡風寒喜熱  
飲形氣倦怠脉虛浮無力余謂血氣虛寒用十

全大補湯二十餘劑不應又二十餘劑稍緩乃  
漸加附子至一錢服數劑諸症減一二又二十  
餘劑十退三四乃去附子五分數劑諸症頓退  
而安後又發仍服前藥加附子三五分而愈

茯苓散 治產後心虛忪悸言語錯亂健忘少睡

或自汗盜汗

人參

甘草

炒

芍藥

炒黃

當歸

生薑

各八分

遠志

去心

茯苓

各一錢

桂心

六分

麥門冬

去心五分

大棗

二枚

右水煎服

抱膽丸

治產後遇驚發狂或遇經行發狂

水銀

二兩

黑鉛

一兩五錢

硃砂

一兩細研

乳香

一兩另研

右將黑鉛入銚內火鎔下水銀結成砂子下硃

砂乳末乘熱用柳木槌研勻丸鷄頭子大每服

一丸空心薄荷湯下得睡勿驚覺來即安妙香

散亦善

附方

妙香散

方見三卷第十三論

十全大補湯 方見二十四卷第四論

參附湯 方見後第六論

產後中風恍惚方論第四

產後恍惚因元氣俱虛心經血少或外邪所侵以致心神恍惚怔忡不寧

愚按前症當大補血氣爲主而佐以後方爲善蓋風乃虛極之假象也固其本源諸病自退若專治風則速其危矣

附治驗

一產婦患前症盜汗自汗發熱晡熱面色黃白  
四肢畏冷此氣血俱虛用八珍湯不應更用十  
全大補加味歸脾二湯始應後因勞怒發厥昏  
憤左目牽緊兩唇抽動小便自遺余爲肝火熾  
盛用十全大補加釣藤山梔而安再用十全大  
補湯辰砂遠志丸而愈

辰砂遠志丸 治產後中風驚狂起卧不安或痰

涎上湧

石菖蒲

遠志

去骨蘆  
甘草煮

人參

茯神去木

辰砂各三錢

川芎

山藥

鐵粉

麥門冬去心 細辛

天麻

半夏湯泡

南星

白附子各一兩

右爲末薑汁糊丸棗豆大別以硃砂爲衣每服三十九臨卧薑湯下

附方

八珍湯

十全大補湯

加味歸脾湯

三方見二十四卷第四論



產後虛極生風方論第五

產後生風因去血過多氣無所主以致唇青肉冷  
汗出目眩神昏急服濟危上丹若投以風藥則悞  
甚矣

愚按前症若心脾血氣俱虛用十全大補湯如  
不應加附子釣藤鈎若肝經血虛用逍遙散加  
釣藤經云脾之榮在唇心之液爲汗若心脾二  
臟虛極急用參附湯救之

附治驗

一婦人患前症或用諸補劑四肢逆冷自汗泄  
瀉腸鳴腹痛余以陽氣虛寒用六君子薑附各  
加至五錢不應以參附各一兩始應良久不服  
仍腸鳴腹痛後灸關元穴百餘壯及服十全大  
補湯方效

濟危上丹

乳香 研

五靈脂

硫黃

玄精石

同研極細

阿膠

卷栢

桑寄生

陳皮

等分

右將上四味入石器內微火炒再研入餘末用

生地黄汁九桐子大每服二十九食前温酒或

當歸酒下

當歸建中湯

治產後腹痛拘急痛連腰背自汗

少食

當歸

桂心

各三兩

白芍藥

六兩炒焦黃

甘草

炙二兩

右每服五錢薑棗水煎入飴糖一匙服如未應

加之

附方

參附湯

方見本卷後

十全大補湯

逍遙散

二方見二十四卷第四論

六君子湯

方見二十四卷第六論

獨參湯

治一切失血惡寒發熱作渴煩躁或口

噤痰鳴自汗盜汗或氣虛脉脫手足逆冷蓋血  
生於氣故血脫補氣陽生陰長之理也

方見三

卷第十三論

產後虛汗不止方論第六

產後汗不止者皆由陽氣頓虛腠理不密而津液

妄泄也若遇風則變瘧縱虛乏短氣則身體消瘦  
唇口乾燥久則經水斷絕由津液竭故也

愚按前症屬血氣俱虛急用十全大補湯如不  
應用參附芪附等湯若汗多亡陽發瘧尤當用  
前藥王海藏先生云頭汗出至頸而還額上偏  
多蓋額爲六陽之所會也由虛熱薰蒸而出竊  
謂前症當以部位分之額左屬肝額右屬肺鼻  
屬脾頤屬腎額屬心治者審之

仍參三卷第六  
論

附治驗

一產婦畧聞音響其汗如水而昏憤諸藥到口  
卽嘔余以爲脾氣虛敗用參附末爲細丸時含  
三五粒隨液嚥下乃漸加之至錢許却服參附  
湯而痊

一產婦盜汗不止遂致廢寢神思疲甚口乾引  
飲余謂血虛有熱用當歸補血湯以代茶又以  
當歸六黃湯內黃芩連栢炒黑倍加人參五味  
子二劑而愈

麻黃根湯

治產後虛汗不止身熱發渴驚悸不

安

當歸

麻黃根

牡蠣

煨爲粉

人參

甘草

炒等分

右每服四錢水煎

一方 治產後自汗盜汗胃氣虛弱服別藥則嘔

吐不能入

當歸

黃芪

各一兩

麻黃根

二兩

右每服三錢水煎

治產後氣脫汗不止小便短少四肢難以屈伸

甘草灸一兩 附子炮五錢 桂心 芍藥炒各一兩半

右每服三錢薑棗水煎服虛甚更加以效為度

止汗散

牡礪為末半兩 小麥麩八兩炒黃為細末

右每服三五錢用猪肉汁調

人參湯 治產後諸虛不足發熱盜汗內熱晡熱

等症

人參 當歸等分

右為末以猪腰子一枚切片水二鍾糯米半合



葱白二根煮取汁八分入藥三錢煎服

附方

當歸六黃湯

治氣血虛熱盜汗不止不應加人

參白朮心血不足加酸棗仁炒

當歸

熟地黃

自製

黃芪

炒各二錢

生地黃

黃栢

炒黑

黃芩

炒黑

黃連

炒黑各一錢

右水煎服

參附湯

治陽氣虛寒自汗惡寒或手足逆冷大

便自利或臍腹疼痛吃逆不食或汗多發瘧等

症

人參一兩

附子炮五錢

右作一服薑棗水煎徐徐服去人參加黃芪名

芪附湯

當歸補血湯

治肌熱躁熱目赤面紅煩渴引飲

晝夜不息脉洪大而虛重按全無者

當歸三錢

黃芪炙一兩

右水煎服

十全大補湯

方見二十四卷第六論

芪附湯 治陽氣虛脫惡寒自汗或口噤痰湧四肢逆冷或吐瀉腹痛飲食不入及一切虛寒等症

黃芪

一兩

附子

炮五錢

右作一劑薑棗水煎服如不應倍加附子方得全濟

產後胃悶汗出方論第七

產後忽胃悶汗出者因陰血虧損陽氣鬱暴故也急吞鷄子三枚未醒飲童便或時復發宜服竹瀝

五合

愚按前症屬大虛宜固元氣爲主其汗不止必  
變柔痙東垣先生云婦人分娩及半產漏下昏  
冒目暝蓋因血暴亡而火上熾但補其血則神  
自昌若常時血下當補而升舉其氣陽得血而  
神安則目明矣今立一方以補手足厥陰之血  
兼益陽氣名曰全生活血湯

全生活血湯 治發熱自汗盜汗目眊眊四肢無力口乾頭暈行步欹側

柴胡

當歸

各二錢

生地黃

炒

熟地黃

各一錢

川芎

藁本

各一錢半

防風

羌活

獨活

葛根

甘草

炒各二錢

細辛

五分

蔓荆子

五分

升麻

芍藥

炒各三錢

紅花

三分

右每服五錢水煎熱服

產後汗多變痙方論第八

產後汗多變痙因氣血虧損肉理不密風邪所乘其形口噤背強如癰或搖頭馬嘶不時舉發氣息如絕宜速灌小續命湯若汗出兩手拭不及者不

治

愚按前症因去血過多元氣虧極或外邪相搏以致牙關緊急四肢痙強或陰火內動或腰背反張肢體抽搐若有汗而不惡寒者曰柔痙若無汗而惡寒者曰剛痙由亡過多筋無所養故傷寒汗下過多潰瘍膿血大泄多患之乃敗症也急以十全大補湯治之如不應急加附子多有復甦者亦有六淫七情所致者治法見第三

卷第三論

附治驗

一產婦牙關緊急腰背反張四肢抽搐兩目連  
割此去血過多元氣虧損陰火熾盛用十全大  
補加炮薑一劑而甦數劑而安

余在吳江史萬湖第時將入更聞喧攘詢云家  
人婦產後出直厨忽仆而死余意其勞傷血氣  
而發瘵也急用十全大補加附子煎滾令人正  
其面開其口灌之久不能下令側其面而出之  
換以熱藥如此五次方得下咽遂甦

小續命湯 治剛瘓或脚氣痺弱不能轉舒行步

一欵側或口眼喎斜牙關緊急角弓反張

麻黃

桂心

甘草

各半兩

防風

三兩

芍藥

炒

白朮

炒

人參

川芎

附子

炮

防己

酒拌

黃芩

炒各等分

右每服五錢水煎入薑汁少許溫服若自汗為

桑瘓去麻黃有熱去附子減桂一半盛冬初春

去黃芩

十全大補湯

方見二十四卷第四論



產後口噤腰背反張方論第九

產後口噤由血氣虛而風邪乘於手三陽經也蓋  
手三陽之筋循結於頷得風冷則筋急故致口噤  
腰背攣急角弓反張者是風邪入於諸陽之經也  
愚按前症因氣血耗損腠理不密汗出過多而  
患之者乃虛象也宜固氣血爲主佐以本方丹  
溪云產後當大補氣血爲先雖有他症以未治  
之如惡寒發熱等症乃氣血虛甚之極也宜大  
劑參芪歸朮肉桂以培養之如不應急用炮附

子再不應用人參一兩炮附子二三錢名參附湯借猶未應乃藥力未能及也宜多用之

愈風散

治前症用荆芥畧焙爲末每服三錢豆

淋酒下童便亦可其効如神牙緊灌口鼻

清順散又名交解散

方見第三卷第五論

治婦人產後不省人事吐涎瘦癰

當歸

荆芥穗

等分

右每服三錢水一盞酒少許煎灌下咽卽甦

按前症如有未應者急用大補氣血爲主

產後中風白癩皮一兩或共獨活三兩酒水煎服  
張仲文用白朮四兩以酒煎頓服

小續命湯

治產後口噤角弓反張

見前

產後中風方論第十

產後中風或血氣未復風寒所感以致筋攣拘急  
口眼喎斜或肢體緩弱入臟則恍惚驚悸郭稽中  
云產後強力下床或誤入房或憂怒內傷臟腑陳  
無擇曰當以脉辯而治之若努力下床月內入房  
憂怒着艾非中風類乃蓐勞火邪之症也

愚按前症果外邪所屬形氣不足病氣有餘當  
補元氣為主稍佐以治病之藥若強力下床月  
內入房屬形氣病氣俱不足當純補元氣多有  
復甦者若悞投風藥乃促其危也仍參照第三  
卷諸論主之

治產後身背拘急妄言發熱四肢拘攣不時驚悸

川芎

羌活

羚羊角

屑

酸棗仁

炒

芍藥

炒黃各  
四兩

桑白皮

六分

防風

五分

右水煎分三服

治產後中風唇青鼻黑用小續命湯連進三服卽愈

產後中風煩渴用紅花子

五合炒研

水煎徐呷之

獨活寄生湯



治前症亦良仍與第三卷中風類

通看

方見後

產後四肢筋攣方論第十一

產後中風筋脉攣急乃血氣俱虛或風邪客於皮膚則頑痺羸乏若入於筋脉則四肢攣急皆由六經空虛風寒乘虛而漸入也

愚按肝屬木而主筋前症若肝經風血用  
加味逍遙散如不應當用六味地黃丸以補腎  
水經云風客淫氣精乃亡邪傷肝也仍參第三  
卷諸論主之

附治驗

一產婦筋攣臂軟肌肉掣動此氣血俱虛而自  
熱也用十全大補湯而安

一產婦手麻服愈風丹遍身皆麻神思倦怠余  
謂氣血虛弱用十全大補加炮薑數劑漸愈去

薑又數劑及逍遙散而痊

治產後氣血不足風邪所襲肢節攣痛背項強直

防風

一兩

赤芍藥

炒

桂心

各半兩

羚羊角

川芎

羌活

當歸

酸棗仁

炒

牛蒡子

炒各三錢

右每服四錢水酒煎

愚按前方如未應當用八珍湯更不應用十全

大補湯

加味逍遙散

十全大補湯 二方見二十四卷第四論

六味地黃丸 方見二十四卷第十一論

產後瘕癥方論第十二 新附

竊謂瘕者筋脉拘急也癥者筋脉張縱也經云肝  
主筋而藏血蓋肝氣爲陽爲火肝血爲陰爲水前  
症因產後陰血去多陽火熾盛筋無所養而然耳  
故癰疽膿水過多金瘡出血過甚則陽隨陰散亦  
多致此治法當用八珍散加丹皮釣藤以生陰血  
則陽火自退諸症自愈如不應當用四君芎歸丹



皮鈞藤以補脾土蓋血生於至陰至陰者脾土也  
故小兒吐瀉之後脾胃虧損亦多患之乃虛象也  
無風可逐無痰可消若屬陽氣脫陷者用補中益  
氣加姜桂陽氣虛敗者用十全大補加桂附亦有  
復生者此等症候若肢體惡寒脈微細者此爲真  
狀若脈浮大發熱煩渴此爲假象惟當固本爲善  
若無力抽搐戴眼反折汗出如珠流者皆不治

附治驗

一產婦因勞兩臂不能屈服蘇合香丸肢體痠

軟汗出如水余謂前藥辛香耗散真氣腠理虛而津液妄泄也先用十全大補湯加五味子補實腠理收斂真氣汗頓止又佐以四君子調補元氣漸愈用逍遙散大補湯調理而痊

一產婦先胸脇乳內脹痛後因怒口噤吐痰臂不能伸小便自遺左三部脉弦余謂此肝經血虛而風火所致不能養筋先用加味道逍遙散治之臂能屈伸又以補肝散六味丸諸症悉愈

一婦人發瘵遺尿自汗面赤或時面青飲食如

故肝脉弦緊余曰此肝經血燥風熱名瘕也肝  
主小便其色青入心則赤法當滋陰血清肝火  
遂用加味道遙散不數劑諸症悉退而安

附方

海藏愈風湯一名舉鄉古拜散 治一切失血筋

脉緊急產後與汗後搐搦

荆芥

爲細末

右先以炒大豆黃卷以酒沃之去黃卷取清汁  
調前末三五錢和滓飲之輕者一服重者二三

服中病卽止其効如神氣虛者忌服一方用童  
便調下本事方云此藥委有竒効神靈之功大  
抵產室無風爲佳不可衣被帳褥太煖太煖卽  
汗出汗出則腠理開易於中風便昏冒一婦人  
產後遮護太密更生旺火睡久及醒則昏昏如  
醉不省人事用此藥佐以交加散服之卽睡睡  
中必以左手搔頭覺必醒矣良久果驗

交加散 治瘈瘲或顫振或產後不省人事口吐

痰涎

當歸

荆芥穗等分

右爲細末每服二錢水一盞酒少許煎至七分

灌下神効

增損柴胡湯

治產後或經適斷致手足牽搐咬

牙昏冒異症

柴胡

人錢

黃芩

炒四錢

人參

半夏

各三錢

石膏

四錢

知母

二錢

黃芪

炒五錢

甘草

炙二錢

右爲粗末每服半兩薑五片棗四枚水煎溫服

四君子湯

補中益氣湯 二方見二十四卷第六論

產後脚氣方論第十三

論曰產後脚氣因元氣內虛六淫外侵所致其狀發熱瞽悶搖掣驚悸心煩嘔吐氣上用小續命湯治之若以爲敗血攻之則誤矣

愚按前症當補氣血爲主佐以小續命湯寄生湯如不應用大防風湯仍參第一卷九論王之巳上十一症誠似小兒慢驚風無風可逐無痰可清但專補元氣庶保其生

附治驗

一產婦患前症或用獨活寄生湯而痊後復作服之其汗如水更加口噤吐痰余用十全大補湯培養血氣漸愈後飲食日少肌體日瘦吐痰如湧此命門火衰脾土虛寒用八味丸及加味歸脾湯諸症漸退肌肉漸生

獨活寄生湯 治風邪內攻兩脛腫痛或緩縱攣

痺等症 方見四卷第七論

小續命湯 方見前

大防風湯 方見二十四卷第九論

十全大補湯

加味歸脾湯 二方見二十四卷第四論

八味丸 方見十五卷第十三論

婦人良方卷之十九 終